

na KS-a



Igor Stojanović:
Gdje je nestalo 2,5 tona nafte?

Naredni izbori će biti ključni u tome kakva je percepcija građana o rezultatima rada šestorke. Mislim da smo krenuli dobrim putem

godina nije spominjala moju platu. Ali, nakon što sam na sjednici Skupštine KS-a iznio informaciju da je bivši direktor KJP ZOI '84 iz SDA za sanaciju preduzeća dobio 17 miliona KM i precizan plan sanacije, a da je šest miliona potrošio mimo plana, odjednom se pojavila priča o mojoj plati. SDA stalno pokušava izjednačiti sve u politici da bi narod pričao da smo svi isti. Njihov navod da sam na 2.200 KM dobio još 1.000 KM nije istinit. Moja plata je bila 1.200 KM i nakon što me tadašnji direktor zadužio da radim mimo svog posla na projektu EYOF 2017, imao sam dodatak na platu devet mjeseci. SDA je smijenila kompletan tim s projekta EYOF 2017, a kao posljedicu smo imali da je Sarajevo izgubilo domaćinstvo.

SDA me vratila

Četiri godine nakon smjene i nakon što je Sarajevo zamijenilo domaćinstvo s Turskom za 2019, ta ista SDA me vratila na projekat EYOF 2019. Rezultat je bio da se EYOF 2019 održao. Ja sam za svaki postupak iz perioda dok sam radio u KJP ZOI '84 spreman odgovarati. Uvreda iz SDA me neće zaustaviti u namjeri da raskrinkamo kriminal u tom preduzeću. Skupština KS-a je novom direktoru imenovanom od šestorke naložila da istraži zašto je bivši direktor kupio četvorosjed za koji mu je i prodavac dao mišljenje da ne može funkcionisati na Bjelašnici. Ko je uništio dva nova ratraka u prošlom mandatu? Gdje je nestalo 2,5 tona nafte za vrijeme SDA direktora? I kako je zaposleno 16 radnika posljednjeg dana mandata SDA direktora? Krivične prijave za tog čovjeka su već pokrenute. Treba li reći da je to isti čovjek koji je nakon prelaska iz KJP ZOI '84 u Turističku zajednicu KS-a kupio kioska za 250.000 KM. Međutim, SDA ga i dalje strastveno brani. Ali će i šestorka strastveno nastaviti istraživati kriminal i tražiti procesuiranje.



Sabotaža na Bjelašnici

Pred pripreme za sezonu na Bjelašnici počele su se dešavati sabotaže koje osim što nanose finansijsku štetu preduzeću ZOI '84, prije zaustavljanjem priprema za sezonu, ali i sigurnosti građana, saopćeno je jučer iz ovog kantonalnog javnog preduzeća.

- U posljednjih nekoliko dana je ukradena sigurnosna sajla na dvosjedu. Radi se o 650 metara sajle koja se nalazi na stubovima visine od 10 do 25 metara, što govori o tome na šta se sve spremno da se zaustave aktivnosti na uvođenju reda, sanaciji i unapređenju stanja u ovom kantonalnom preduzeću, navodi se u saopćenju.



Zagađen zrak u KS-u

Pokazatelji mjerenja zagađujućih tvari u zraku na području Kantona Sarajevo bilježe posljednjih dana rast koncentracija i prekoračenja dozvoljenih vrijednosti za PM10 čestice.

- **Prekoračenja su zabilježena u periodu od 14. do 30. oktobra. Ostali praćeni polutanti u zraku su u granicama dozvoljenih vrijednosti, saopćeno je iz Zavoda za javno zdravstvo KS-a. Preporučuje se rizičnim grupama stanovništva (trudnicama, starijim osobama, hroničnim bolesnicima s plućnim i kardiovaskularnim oboljenjima) smanjeno kretanje i boravak vani u ranim jutarnjim te poslijepodnevnim satima.**



Prekinut dotok vode

Više naselja na području Istočnog Sarajeva ostalo je jučer bez vode kada je prilikom izvođenja radova na stambeno-poslovnim objektu u Ulici vojvode Radomira Putnika prekinuta dovodna vodovodna cijev, a vlasnik samoinicijativno zatvorio glavne vodovodne ventile na Bijelom polju, saopćeno je iz preduzeća Vodovod i kanalizacija Istočno Sarajevo, iz kojeg su zamolili sve potrošače za razumijevanje i strpljenje.

Vodosnabdijevanje je prekinuto u naseljima Donje Mladice, Dobrinja, Kula, Vojkovići, Gornji Kotorac i Krupac.



Konferencija je bila namijenjena istraživačima, profesorima, sudijama i tužiocima, nevladinim organizacijama

Nasilje neće prestati samo od sebe

U slučajevima nasilja potrebno je poduzeti korake. Postoje sigurne kuće, mjere zaštite a i krivični postupci, kaže dr. Majda Halilović

Žrtve nasilja se boje stigmatizacije i stoga ne prijavljuju takve slučajeve, naročito silovanje i seksualno uznemiravanje, pogotovo silovanje muškaraca. Plaše se osude okoline, strahuju da im niko neće vjerovati. Dešava se da i porodica nekada osuđuje žene koje prijave nasilje, ali ipak ima i porodica koje pružaju pomoć i podršku, kaže dr. Majda Halilović iz Atlantske inicijative.

Upravo je Atlantska inicijativa, uz podršku Ambasade Kraljevine Švedske u Bosni i Hercegovini, početkom ove sedmice organizovala trodnevnu konferenciju Međunarodne perspektive o rodu i pravosuđu: teorija i praksa. U Sarajevu se okupilo 35 međunarodnih i domaćih predavača koji su govorili o nasilju nad ženama, rodnim predrasudama, porodičnom pravu, planiranju porodice i ograničenjima u izboru žena.

Višestruka diskriminacija

- Ako vam se nasilje dešava, tumači se kao da nešto nije uredu s vama. Ja bih poručila žrtvama - s vama je sve uredu, a nasilnikom nije. To je poruka koju žrtve trebaju da dobiju. Žrtve trebaju znati da podrška postoji i da nasilje neće samo od sebe prestati. Dakle, potrebno je poduzeti korake. Postoje sigurne kuće, postoje mjere zaštite a i krivični postupci, rekla je Halilović. Švedska ambasadorica u BiH Johanna Stromquist naglasila je u uvodu važnost rada ne samo nevladinih organizacija nego i cjelokupnog sistema u borbi protiv nasilja u porodičnim društvima.

Kako je rečeno, tokom pokreta #MeToo u BiH žene nisu javno govorile o svojim iskustvima, što ni na koji način ne odražava pravu sliku ovog problema. Istraživanja OSCE-a iz 2019. pokazala su da je 28 posto žena u BiH bilo izloženo nekom obliku seksualnog uznemiravanja, ali je veoma mali broj završio pred sudom. Sudije iz Sarajeva, Banje Luke i Tuzle su govorili o pionirskim poduhvatima u preispitivanju sudske prakse u kojima i sami učestvuju u vezi s rodnim zasnovanim nasiljem i koji se hrabro upuštaju u kritiku s ciljem stvaranja promjena.

U naročito teškom položaju su oni koji su izloženi predrasudama ne

samo zbog spola nego i zbog njihovih drugih društvenih karakteristika. Žene su izložene višestrukoj diskriminaciji. Vera Bošković iz nevladine organizacije Nika je govorila o ženama s invaliditetom i specifičnim ranjivostima koje one imaju u odnosu na rodno zasnovano nasilje. Ona je rekla i da nasilje nije samo fizičko i može se odnositi i na osobe s invaliditetom ukoliko im neko oduzme pomagalo za kretanje, za vid, sluh, i sl. Naglasila je i da nismo dovoljno svjesni da su žene s invaliditetom češće izložene rodno zasnovanom nasilju.

pravo da biraju da li će se poroditi carskim rezom ili prirodno. Potrebu da se porode carskim rezom moraju da dokazuju pred stručnim medicinskim odborima.

Ograničenje sloboda

- Od naših izlagača čuli smo o analizama predmeta silovanja, seksualnog uznemiravanja, i nasilja u porodici u Bosni i Hercegovini. Dosta otvoreno su govorili o razotkrivanju i prevazilaženju predrasuda. U suštini nasilja u porodici je potreba da se nasilnim metodama održi moć u odnosu, pa je često nasilje praćeno



U Sarajevu se okupilo 35 međunarodnih i domaćih predavača

Prof. dr. Ulrike Schultz sa Fern Univerziteta Hagen iz Njemačke i dr. Tetyana Fuley sa Nacionalne škole za sudije iz Ukrajine su problematizirale pitanje koje dugo izučavaju da li je dovoljna zastupljenost žena u pravosuđu da bi postigle ravnopravan tretman. Učesnici konferencije su se složili da je zastupljenost samo početak u borbi za ravnopravnost.

A prof. dr. Marie Carlson s Univerziteta Gothenburg iz Švedske i Univerziteta Islanda predstavila je istraživanje o ženama migranticama na Islandu, i o tome koliko im je teško prijaviti seksualno uznemiravanje na poslu, naročito kad je njihov ostatak u toj zemlji vezan za zaposlenje. Tokom prezentacija o iskustvima iz Švedske moglo se čuti kako je neobično da u vrijeme ravnopravnosti, čak i u veoma razvijenim zemljama, žene nemaju izbor niti kontrolu nad svojim porodom, odnosno nemaju

i drugim vidovima kontrole, recimo uskraćivanjem novca ili ograničavanjem sloboda. To je ono kad čujemo: "Meni muž ne da da uradim ovo ili ono, ne dozvoljava mi da posjećujem porodicu, smetaju mu prijateljice pa me postepeno udalji od njih..." To su sve razni vidovi kontrole. Silovanje i seksualno uznemiravanje je vrlo često potaknuto destruktivnim formama maskuliniteta i normama koje seksualiziraju žene, a muškarcima nameću agresivnost kao ključni dokaz muškosti", kaže dr. Halilović.

Međunarodna konferencija bila je namijenjena istraživačima, profesorima, sudijama i tužiocima, nevladinim organizacijama, a u radu su učestvovali i studenti prava i kriminologije. Održana je u sklopu projekta Rod i pravosuđe koji, također, provodi Atlantska inicijativa uz podršku Ambasade Švedske u Sarajevu.

DANIEL OMERAGIĆ